

te; intus verò, candicante. Et hæc ex ditissimo naturæ promptuario *Imperati*.

§. 3. Harum & parvas, Avellanae nucis magnitudine, binas habemus, quarum altera paucis, altera verò pluribus, & tenuibus striis est dissecta, reliquis eandem effigiem retinentibus: orbiculatæ sunt, & metallicâ substantiâ concretæ.

§. 4. Hæc omnes Anomiae brevi Nodo ligantur, ob Cervicis angustiam: & forsitan à *Plinio* (g.) sub illâ differentiâ, his verbis expressâ, (*brevi Nodo ligatis*) quæ multis Concharum generibus etiam convenit, comprehensæ, ut suo loco dicemus.

(g.) lib. 9. cap. 33.

§. 5. Aliam exiguum admodum, lapideam, idem *Imperatus* communicavit, quæ veluti gemma nitida est, cervice cœruleâ, reliquis obscurioribus, & lateribus flavicans.

§. 6. Differunt ab aliis supradictis, quod cervix foramine caret; & ideo quamvis Testa sit affinis, animal non idem naturâ erit, cum hiare oporteat, ut aquam haurire, & expire possit, non habens testam in cervice perforatam, ut quatuor superiores.

CAPUT XVI.

Concha Fasciata, Gemmeâ Concretione repleta.

§. 1. **M**Orosi videntur Nobis quidam, qui has & similes Concretiones negant, ex Testaceorum internâ cavâ parte sibi effigiem parare, atque Naturam contendunt, propriis initiis Animantibus aut Vegetantibus, Lapideas hasce